

Dydd Mercher, 20 Hydref 2004

AGENDA

Bydd y cyfarfod yn dechrau am 2.00pm

Eitem 1

Cwestiynau i Edwina Hart, y Gweinidog dros Gyfiawnder Cymdeithasol ac Adfywio

Cliciwch [yma](#) i weld y cwestiynau

Eitem 2

Cwestiynau i Andrew Davies, y Gweinidog dros Ddatblygu Economaidd a Thrafnidiaeth

Cliciwch [yma](#) i weld y cwestiynau

Eitem 3

Dadl ar y Gyllideb Ddrafft

NDM2133 Karen Sinclair (De Clwyd)

Cynnig bod Cynulliad Cenedlaethol Cymru yn unol â Rheol Sefydlog 21.3, yn nodi'r gyllideb ddrafft ar gyfer blynyddoedd ariannol 2005-2006, 2006-07 a 2007-08 a osodwyd yn y Swyddfa Gyflwyno ddydd Mawrth 12 Hydref 2004 gan y Gweinidog dros Gyllid, Llywodraeth Leol a Gwasanaethau Cyhoeddus.

Cafodd copïau o Gyllideb Ddrafft Llywodraeth y Cynulliad 2005-2006 i 2007-2008 eu hanfon drwy'r e-bost

at Aelodau'r Cynulliad ar 11 Hydref 2004

Cliciwch [yma](#) i weld cyllideb ddrafft 2005-2006 i 2007-2008 -Ni fydd y ddogfen ar gael ar We'r Siambr ond bydd copïau ar bapur ar gael yn y Siambr.

Cyflwynwyd y gwelliannau canlynol:

Yn unol â'r canllawiau diwygiedig ar Grwpio, Dewis a Gwrthod Gwelliannau, mae'r Llywydd wedi penderfynu grwpio'r gwelliannau canlynol at ddibenion trafodaeth. Bydd y pleidleisiau'n cael eu cynnal yn unigol:

(1), (2), (3), (4), (5) + (6)

(6), (7), (8), (9), (10), (11), (12), (13), (14), (15), (16) + (17)

Gwelliant 1

Jocelyn Davies (Dwyrain De Cymru)

Yn llinell 2, dileu 'yn nodi'r' a rhoi 'yn nodi â phryder y' yn ei le.

Gwelliant 2

Jocelyn Davies (Dwyrain De Cymru)

Ychwanegu pwynt newydd ar ddiwedd y cynnig:

Yn galw am bolisi ariannu teg a fydd yn sicrhau bod y Cynulliad yn cael ei ariannu'n ddigonol i allu diwallu anghenion pobl Cymru.

Gwelliant 3

Jocelyn Davies (Dwyrain De Cymru)

Ychwanegu pwynt newydd ar ddiwedd y cynnig:

Yn nodi bod gan addewidion Llywodraeth Lafur y Cynulliad i roi brechwastau ysgol am ddim ac i beidio â mabwysiadu ffioedd ychwanegol tan 2007 oblygiadau mawr i'r gyllideb hon, ac yn gresynu anallu Llywodraeth Lafur y Cynulliad i ddarparu'r ffigurau y mae'r addewidion hyn yn dibynnu arnynt.

Gwelliant 4

Jocelyn Davies (Dwyrain De Cymru)

Ychwanegu pwynt newydd ar ddiwedd y cynnig:

Yn condemnio methiant Llywodraeth Lafur y Cynulliad i leihau amserau a rhestrau aros ac yn galw am newidiadau i'r gyllideb ddrafft i unioni'r methiannau hyn.

Gwelliant 5

Jocelyn Davies (Dwyrain De Cymru)

Ychwanegu pwynt newydd ar ddiwedd y cynnig:

Yn condemnio methiant Llywodraeth Lafur y Cynulliad i ddarparu adnoddau digonol i gynnal economi cefn gwlad.

Gwelliant 6

Jocelyn Davies (Dwyrain De Cymru)

Ychwanegu pwynt newydd ar ddiwedd y cynnig:

Yn nodi'r pryderon a fynegwyd gan lywodraeth leol ynghylch cyllido addysg ac yn galw ar

Lywodraeth Lafur y Cynulliad i sefydlu grwp trawsbleidiol i archwilio i faterion yn ymwneud â chyllido ysgolion.

Gwelliant 7

Kirsty Williams (Brycheiniog a Sir Faesyfed):

Ychwanegu pwynt newydd ar ddiwedd y cynnig:

Yn credu bod y gyllideb hon yn dangos effaith gwasgfa Barnett yn glir a bod fformiwla Barnett wedi dyddio ac angen ei diwygio.

Gwelliant 8

Kirsty Williams (Brycheiniog a Sir Faesyfed):

Ychwanegu pwynt newydd ar ddiwedd y cynnig:

Yn nodi, yn dilyn adolygiad cynhwysfawr o'r holl wariant, bod hanner y llinellau cyllideb wedi'u gwastatáu rhwng 2004/05 a 2005/06 gan arwain at doriad mewn gwirionedd.

Gwelliant 9

Kirsty Williams (Brycheiniog a Sir Faesyfed):

Ychwanegu pwynt newydd ar ddiwedd y cynnig:

Yn croesawu penderfyniad y llywodraeth i gyflwyno llinell wariant yn y gyllideb sy'n canolbwyntio ar Geiswyr Lloches a Ffoaduriaid.

Gwelliant 10

Kirsty Williams (Brycheiniog a Sir Faesyfed):

Ychwanegu pwynt newydd ar ddiwedd y cynnig:

Yn credu, er bod natur fformiwla Barnett yn golygu nad yw gwasanaethau cyhoeddus Cymru'n cael eu hariannu'n ddigonol, bod dwy agwedd ar y gyllideb yn arbennig o brin: y Grant Cynnal Refeniw a'r Cyllid Cymorth i Fyfyrrwyr ac yn credu, at hynny, y byddai mwy o fuddsoddi yn y llinellau cyllideb hyn o fudd i Gymru.

Gwelliant 11

Kirsty Williams (Brycheiniog a Sir Faesyfed):

Ychwanegu pwynt newydd ar ddiwedd y cynnig:

Yn croesawu'r cynnydd yn y buddsoddiad yn y strategaeth wastraff ac yn nodi

cyfraniad y credydau treth tirlenwi, ond yn galw am edrych eto ar yr effaith ariannol y mae gwella'r cymhellion ailgylchu a'r cymal codi yn y dreth dirlenwi yn ei gael ar awdurdodau lleol ac yn credu y byddai buddsoddi mwy eto mewn ailgylchu yn gwella cynaliadwyedd amgylcheddol ac ariannol Cymru.

Gwelliant 12

Kirsty Williams (Brycheiniog a Sir Faesyfed):

Ychwanegu pwynt newydd ar ddiwedd y cynnig:

Yn nodi bod £120m o arian wrth gefn yn y gyllideb ddrafft, sy'n sylweddol uwch na lefel yr arian wrth gefn mewn cyllidebau drafft blaenorol, yn credu y bydd y llywodraeth yn dyrannu'r arian hwn yn ystod camau olaf ac atodol y gyllideb, ac felly'n gofyn i'r Gweinidog ddyrannu £30m o'r arian wrth gefn ar yr adeg hon yng nghylch y gyllideb i linellau blaenoriaeth megis y Grant Cynnal Refeniw a'r Cyllid Cymorth i Fyfyrrwyr.

Gwelliant 13

Kirsty Williams (Brycheiniog a Sir Faesyfed):

Ychwanegu pwynt newydd ar ddiwedd y cynnig:

Yn galw ar y Gweinidog i ailddyrrannu'r arian a glustnodwyd ar gyfer brecwastau ysgol am ddim i linellau blaenoriaeth yn y gyllideb megis y Grant Cynnal Refeniw a'r Cyllid Cymorth i Fyfyrrwyr.

Gwelliant 14

Kirsty Williams (Brycheiniog a Sir Faesyfed):

Ychwanegu pwynt newydd ar ddiwedd y cynnig:

Yn nodi bod dros £100m yn cael ei wario yng Nghymru bob blwyddyn ar gostau rhedeg y cwangos ac yn credu y byddai ailgyfeirio 10% o gostau rhedeg y cwangos i linellau blaenoriaeth yn y gyllideb megis y Grant Cynnal Refeniw a'r Cyllid Cymorth i Fyfyrrwyr yn ddisgyblaeth werthfawr iawn wrth i'r cwangos baratoi i ddod yn rhan o weinyddiaeth y Cynulliad.

Gwelliant 15

Kirsty Williams (Brycheiniog a Sir Faesyfed):

Ychwanegu pwynt newydd ar ddiwedd y cynnig:

Yn galw ar y Gweinidog i rewi'r arian ar gyfer buddsoddi mewn cefnffyrdd ar lefelau 2004/05 a throsglwyddo'r arian hwnnw i linellau blaenoriaeth yn y gyllideb megis y Grant Cynnal Refeniw a'r Cyllid Cymorth i Fyfyrrwyr.

Gwelliant 16

Kirsty Williams (Brycheiniog a Sir Faesyfed):

Ychwanegu pwynt newydd ar ddiwedd y cynnig:

Yn nodi bod proffil y gyllideb yn rhagdybio y bydd lefel yr arian strwythurol Ewropeaidd yn parhau'r un fath â'r gwariant presennol ar raglenni y tu hwnt i gyfnod llawn Amcan Un ac na fyddai modd cynnal y lefelau ariannu a ddangosir yn y gyllideb ddrafft yn ystod y cyfnod trosiannol ar ôl Amcan Un ac yn galw ar y Gweinidog i wneud datganiad yn esbonio'r gwahaniaeth rhwng y gyllideb ddrafft a'r ansicrwydd ynghylch dyfodol yr arian strwythurol Ewropeaidd.

Gwelliant 17

Kirsty Williams (Brycheiniog a Sir Faesyfed):

Ychwanegu pwynt newydd ar ddiwedd y cynnig:

Yn credu y byddai hi'n well ac yn decach pe bai'r arian sydd ar gael drwy linell wariant y grant amddifadedd a'r llinell wariant Cyfiawnder Cymdeithasol 'Adfywio a gwasanaethau eraill' yn cael ei ddarparu drwy'r fformiwla brif ffrwd, y Grant Cynnal Refeniw.

Eitem 4

Dadl fer - NDM2134 Leighton Andrews (Rhondda): Cymru yn ôl y galw: Creu busnesau a chynnwys digidol Cymreig.

Rhagwelir y bydd y cyfarfod yn dod i ben am 5.30pm

E P Silk

Clerc y Cynulliad